

**Visitate i ruminzulaghji
di Corsica !**

0,00 €

inguernu 2011 - #11 - www.apiazzetta.com

A PIAZZETTA

GIURNALE SCHERZOSU PULITICAMENTE SCURRETTU È CERTE VOLTE APPENA GATTIVU

**A Piazzetta
hà 4 anni !**

**Thiriez
elettu persunalità
francese a più
stumacante**



Ciò chì s'hè veramente passatu

20 settembre – U riturnu di a «piste agricole». Arricurdatevi, dopu à l'assassiniu di u prefettu Erignac i primi à essi stati accusati sò stati l'agricultori. 400 interpellazioni, una cinquantina d'arrestazioni è decine di porte sbundate a matina à l'albore. Certi si feranu parechji mesi di prigiò... per nunda. Cusi, una parte di a pupulazione corsa hè stata «fisciata». Deci anni dopu, si torna à parlà d'una «piste agricole» pè l'assassiniu di Dominique Domarchi, sta volta. È torna per nunda. Allora amichi agricultori corsi, lasciate cascà. Vindite i vostri terreni, fate i bungalows, custruite, speculate, vindite a droga... Serà menu risicata ch'è di campà di l'agricultura.

23 settembre - In l'anni 90, a moda hè stata di dà cum'è nomi à i so figlioli quelli di e serie americane. Tandu, sò nati centinaia di Kevin, di Donovan, di Jason, di Steven, di Christopher, di Brandon, di Douglas, d'Arnold è ancu di Willy.



In l'anni 2000, a moda fù quella di i nomi maschili in «o»: Théo, Mattéo, Léo, Enzo, Hugo... Pè e zitelle ci vulia à accurtà i nomi: Emma, Lola, Eva, Zoé, Lou... Ci hè stata dinù a moda di i nomi in «is»: Maélys, Thémis, Mathis, Loris, Yaris, Pastis... In Tripoli, un zitellu hè statu battizatu «Sarkozy». Speremu ch'ellu ùn sia micca u principiu d'una moda nova.

26 settembre – A cità d'Aiacciu firma a cartula di a lingua corsa pè sviluppà u bislinguisimu nant'à u so territoriu. Ch'aspettanu l'altri?

27 settembre – L'associu caritativu Aiutu Studentinu face a so rientrata. U so scopu: luttà contr'à a puvertà di i studenti. Hè normale?

30 settembre – Hè esciutu u telefilmu còmicu «Mission Sacrée» nant'à a storia di e pagliotte.



Corsu, u to figliolu purterà u caddie

«Corse, destination golfique», a nova invenzione di l'ATC. Hè l'idea di Vanina Pieri: rilancà u turismu cù u golf. In Corsica, esistenu... 12 prugetti di golfs. A dice ella: u mudellu deve esse un agri-turismu, cupiatu nant'à u mudellu scuzzese: «les golfs sont paturés par les vaches et les moutons des agriculteurs qui sont juste à coté». Passemu nant'à u fattu chì in Edimbourg ci piovi 200 ghjorni à l'annu. In più di u scumpientu ecològicu (terre agricole arruvinata), di u prublema di l'acqua (un documentu di a CTC dice chì a cunsumazione d'acqua di Bunifaziu in 2008 hè di 270 000 m³, è 160 000 m³ nunda ch'è pè u golf di Sperone), di a quistione di i capitali (quale fora di e maffie ponu investisce?), di a quistione di a speculazione chì accumpagnerà u golf (ottelli, residenze, camping, terre rese custruttibile...), si pone a quistione di a scelta di sucetà ch'è no vulemu per i nostri zitelli. A clientela chì utilizarà i golfs serà ricca è stranera. Forse l'impiegati seranu Corsi è sò elli chì punteranu i caddies. Un rispunsèvule di u golf in Corsica dice cusi: «le golf est un moyen de garder nos enfants chez nous, tout en les ouvrant sur l'extérieur en les confrontant à la clientèle étrangère». Cusi, hè chjara...

6 ottobre - «Le BTP inquiet pour son avenir !» (Alta Frequenza). A federazione di u BTP di Corsica Suttana face una conferenza di stampa per di ch'ella hè inchieta. Bon, ùn ci vole micca à deccunà non più...

8 ottobre - Hè l'anniversariu di a battaglia di U Borgu. In 1768 e truppe di Pasquale Paoli mettianu una concia à quelle di u Rè di Francia. À quandu un arcu di trionfu ?

15 ottobre - Un'ora dopu à a fine di Bastia-Lens, u mustacciutu di a LFP dichjara chì «Ces incidents répétés nuisent gravement à l'image du football français». Eccu una bona ragione di cuntinuvà. A frasa di u mese : U ghjucadore di Lens, Hamdi Kasraoui, appena scuzzulatu : « C'est pire qu'en Afrique, ici, c'est pire qu'en Afrique ! » Dapoi u tempu ch'è no a dimu chì u Terzu Mondu cummencia in Macinaghju...

18 ottobre - Cunnisciate Terminator, Musclor, Skeletor, Predator, X-or, Albator, Patator... In Corsica avemu u Moussor, avà avemu à Alertator. Hè un mantacatu chì face alerte à a bomba in tutte e scole aiaccine. Un omu face 18 ore di guardia à vista per nunda per esse statu denunziatu à a pulizza. A Corsica và megliu.

21 ottobre - S'ampara chì Kadhafi era spaventatu à l'idea di piglià un escalator (20minutes.fr).

25 ottobre - Quale hè u paese chì dumanda u più d'infurmazioni à Google ? A Curea di u Nordu ? A Birmania ? L'Iranu ? Nò, hè a Francia. Hè un raportu di Google chì a ci dice (Le Point : La France championne du monde de la surveillance du Net).

26 ottobre - Un'Americana hà datu una cultellata à u so cumpagnu chì pruvava d'arruballa à u Monopoly (msn.fr).

26 ottobre - Tony Vairelles hè incarceratu per una fucilata nant'à un parking d'una discoteca. In più, u so avucatu si chjama Me Glock.

1965: I CORSI FORA !

I dirigenti di clubs di foot francesi volenu mette fora i Corsi... Cunniscite a «Table ronde de Montélimar» ? Di marzu 1965, i dirigenti di parechji clubs francesi, invitati da u presidente di Montélimar, si riuniscenu per mette fora i clubs corsi di u campianatu. Mutivu : hè difficile di vince contr'à Bastia è Aiacciu. Ci vole à di chì i dui clubs corsi sò in testa di a classifica.

Ci sò 10 presidenti di clubs di u gruppu Sud-Est di u campianatu di CFA: Annecy, Avignon, Chambéry, Draguignan, Hyères, Louhans, Miramas, Monaco, Saint-Etienne è Port-de-Bouc.



Tutti decidenu d'un andà più in Corsica pè a stagione 1965-66, per via di : «l'ambiance hostile et antisportive dans laquelle se déroulent les déplacements en Corse, de l'insécurité des joueurs et dirigeants, de l'insécurité des arbitres». A seguita a cunniscite. L'ACA è u SCB diventeranu professionali, è ùn si senterà mai più di Montélimar. Ma ùn vi rammenta nunda sta storia ?

27 ottobre - 23 chilò di cannabis chjappi in Bastia.

28 ottobre - Un omu hè assassinatu in Muriani. «Les tueurs seraient venus en quad» (Corse-Matin).

29 ottobre - «Braquage d'un fourgon blindé à Saint-Florent» (Corse-Matin).

31 ottobre - «Un réseau d'héroïne démantelé à Ajaccio» (Corse-Matin).


2 novembre - Fucilata in Prupia, dui feriti. Vi basta ? È di chì certi si lagnanu di Mafiosa...



Vistu nant'à u mercatu di Bastia... RIP a lingua corsa.



Ciò chì s'hè veramente passatu



9 novembre – U procuratore di a Ripublica dice à Corse-Matin chì : « Il y a un climat de violence important ». A ringraziati. Semu baulli ma quessa l'aviamu capita.

5 novembre – Pesca : Florence Arthaud hè chjappata in mare allora ch'ella era cascata da u so battellu. Hà tenutu à ringrazià u prefettu : « Ainsi, montrant ses vêtements chauds, elle précise qu'il s'agit de ceux de la «femme du préfet» de Corse, chez qui elle est allée reprendre des forces dimanche matin après être sortie de l'hôpital de Bastia, où ils n'ont «même pas été foutus de (lui) filer des couvertures chauffantes», dit-elle (AFP). A prussima volta, a lascemu in l'acqua nò ?

6 novembre – Timpesta tremenda in Corsica. Nisuna gendarmeria hè stata tocca, ma u sinemà di Bastia hè arruinatu. Hè veramente inghjustu stu mondu...

8 novembre – 4 fucilate, 2 morti, 4 feriti in Aiacciu, Pruprà è à A Casalta.

12 novembre – Torna à esse editatu un capi d'opera di a literatura francese di l'anni 70 : « Soignez-vous par le vin ». U geniu chì l'hà scrittu ci spiega ch'ellu si pò curà l'angine cù dui bichjeri di Beaujolais è a conjonctivite cù un stagnone di Saint-Emilion. Da mette in a categoria di i grandi pensatori francese cù BHL è Michel Onfray. È si a pulizza v'arresta quand'è vo site à 3 grammi, dite ch'è vo site sott'à trattamentu...

20 novembre – Esce u primu annunziu patriotticu in Corse-Hebdo : «Cumuna di Luri, terrenu custruttivule di 712m² in vendita. Unicamente à un Corsu».



4 novembre – Scuperta maiò : «Le vieillissement cellulaire est réversible». Listessu ghjornu, s'ampara in Corse-Matin ch'Emile Zuccarelli puderebbi turnà à presentassi à l'elezzioni.



3 novembre – U top modellu Vanessa Hessler hè messa fora da a cumpagnia Alice per avè difesu u so ex, un figliolu di Kadhafi in a stampa taliana. «Ce sont des gens très simples, comme vous et moi». Bon.

23 novembre - Apre un magazinu Décathlon in Aiacciu. Bon perchè micca. Ma hè statu pigliatu d'assaltu u primu ghjornu è a ghjente s'hè lampata nant'à e veste Millet è i shorts Quechua cum'è famiti o eroinomani in mancanza di droga. Certe volte sò veramente strane e reazzioni di i Corsi...

26 novembre – S'ampara chì u Tour de France 2013 hà da parte da Corsica. Serà a più grande addunita di drugati in Corsica, davant'à u Festival du Vent è Calvi on the Rocks. È noi, poveri Corsi, avemu da fà i conni daretu à e caravane pubblicitarie appressu à e purcherie di Lustucru, di Cochonou è d'un faticatu vestutu in diavule... •



SMIRALLU®
PEPPERMINT

L'abus d'alcool est dangereux pour la santé, consommez avec modération.

U disegnu di Battì



QUALCHÌ VOLTA, PÈ NATALE, L'OMU SCOPRE UN MONDU UNIVERSALE È STRANU ...
QUELLU DI A ZITELLINA !

Committed to Quality. Committed to You.

Pè Natale, rigalate un ...

PULENDAGHJU !

**Casse-toi
pauv' Corse !**

vismavie de prof de corse

Serà veramente una planca d'esse "prof de corse" ? Tuttu ciò chì hè scrittu qui ùn hè micca statu inventatu.

A vera vita d'un professore di corsu

Un simpaticu collegu scalatu di pocu da a Meurthe-et-Moselle: "Ah prof de corse, mais c'est génial ça ! Mais vous avez passé un concours vous aussi ? Mais alors, vous êtes payés comme un prof normal ?".

In 6°, l'elevi seguitanu i corsi di Corsu è anu un mesu per sceglie s'elli volenu cuntinuà o arrestà. À a rientrata, un professore di LCC hà 30 elevi. Un mese dopu, ne pò avè zeru. Un spechjittinu di u primu ranghju a vi ramenta u primu ghjornu : "On est obligés d'écrire même si on arrête le Keurse à la fin du mois ?"

Un principale : "Rolala c'est difficile, mais à quoi ça peut bien servir d'apprendre le corse dans le monde d'aujourd'hui ? Les enfants le savent bien...". Hè vera chì hè impussibile di campà oghje senza cunnosce u preterit inglese, u teorema di Pythagore è senza avè massacratu

una granochja in Scienze à ott'ore di mane per vèdene e stintine.

U biundacciu à u primu ranghju : "Mais le corse on n'en a pas besoin quand on n'a pas d'amis Corses ou pas de village, non ?". Ridu ? Ùn ridu micca ? Ridu ? Ùn ridu micca ? U menghju ?

Torna in 6° : "On pourra faire une sortie voir des gens parler corse ?". Piengu ? Ùn piengu micca ? Piengu ? Ùn piengu micca ? U menghju ?

Ken, un picculu pulunese chì ùn sà una parolla di Francese hè venutu à truvà u professore di LCC per dilli ch'ellu ùn venerà più à u so corsu. Ùn capisce nunda ma nant'à u so spartitempu hà fattu una croce nant'à a parolla "corse".

Spiegazione d'una collega insegnante: "Ben ouais quoi, le pòv' il est perdu, il vaut mieux qu'il arrête le keurse non ?". Nimu pensa à caccialli

i corsi di matematiche, di biologia, d'inglese o di technò, ma di corsu, sì.

Reunione cù i parenti. Festivele : "Je crois que Brice-Grégory va arrêter le corse, je ne parle moi-même pas assez bien pour pouvoir l'aider", hè vera chì Thalès, Pythagore, u sistema digestivu di u topu pinnutu è a cuncipitura di u portachjavi luminosinu in Tennulugia, i manèghjanu tutti à a perfezzione.

"Ma fille subit des cours de corse depuis le début de l'année, il est temps de mettre fin à ces cours d'ostracisme". Quale d'astru si piglia rinfacciate cusì in u so mistieru ?

Surtite crechju, smutivatu è paranò ? Nurmale... U vostru amicu passa davanti à a scola in vittura, vi vede in cusì pèssimu statu : " O prof de Corse aiò arresta appena, il est garé où ton 4x4 ? Tu as la grrrrrosse plaaaaaque toi oh !". U menghju. •

Tradizioni

I CUGNOMI
DI I CAPICURSINICinturesi
granitulaghjiErsinchi
scapazerriMursigliesi
sbarazziniRuglianacci
americani

Luresi mulinai

Tuminacci
mezi turchi

Pinesi traditori

Meriaci
scapatopiBarrettalesi
ghjurafalsiCagnanesi
gambicortiCanaresi
spezzacristiUgliastrinchi
cibullaiCurbaresi
tagliamuchjiUlchinesi
arrubaselleSischesi
sega segaNunzinchi
gransignoriniErbalunghesi
Arruba uvaFerrigulesi
pignulaiBrandinchi
latroniPatrimuninchi
arrubaboiLutinchi
legaboiSan fiorenzinchi
granuchjaiBastiacci
spachjaborseBarbaghjacci
stoghjabarba

2012

CHÌ HÈ A VOSTRA FINE DI U MONDU PREFERITA ?

(È PACE È SALUTE À TUTTI)

Hè detta dapoi i Mayà ch'è 2012 saria l'annata di a fine di u mondu. Ma trà a crisa economica, e catastrofe ecologiche, e splusione di centrale atòmiche, i tsunamì, u terrorisimu è l'epidemie avete u tempu di sceglie a vostra fine di u mondu preferita.

A crisa. Avà pò a saperemu ch'è no campemu in un mondu in crisa. Subprimes, crisa finanziaria, crisa di l'Europa, crisa di a Grecia, di u petroliu, di u « triple A »... Tutti i ghjorni ne ghjunghje una nova. U prublema hè ch'è nimu ci dice à cosa s'assumiglia un statu in situazione di fallimentu. Glups.

A splusione nuclearia. Tchernobyl, Fukushima. Noi avemu u Vaziu è Lucciana. Bon, ùn hè micca veramente megliu.

U cataclisimu climàticu. U scenariu hè cunnisciutissimu avà : riscaldamentu di e timperature, mutazione climàtica, timpeste di neve d'agostu, sicchia in inguernu, turisti à pelu di ghjennaghju è fame nera per tutti.

Troppu tardi, ci vulia à svegliassi nanzu è vutà pè Antoine Waechter.

U tsunamì. Avete campatu u maròsulu giapponese guasi in diretta nant'à TF1. Quelli ch'è anu un paese à più di 150 metri si ponu salvà. È à a fine ùn firmeranu più ch'è i Niulinchi.

U terrorisimu. Hè mortu Ben Laden ma truveremu bè qualchì tontu ch'è vole fà saltà e cerbelle à tutti.

L'epidemie. Aviamu digià l'anthrax, Ebola, ci simu spaventati cù u H5N1, è pensavate ch'è no eramu salvi. Pensate... Un scintificu fatigatu d'un laboratoriu olandese hà fabricatu un « super virus » ch'è nimu sà cumu guarisce. L'omu si chjama Ron Foucher è face trimà i governi occidentali. U peggju, hè ch'ellu li pare d'avè fattu avanzà l'umanità truvendu què...

A meteorita. Ma avà sapemu tutti ch'è Bruce Willis ci hà da salvà. Eppo ùn avemu micca da more cum'è sti baulli di dinosauri nò ?

A fine di u petroliu è u riturnu di u zappone. Nimu sà quand'ellu accaderà veramente, ma ci ferma pocu tempu. Flambà in jet-ski è in 4x4 ùn serà più pussibile per i vostri figlioli. Invece, vulerà d'è ch'ellu ci vulerà à vultà à zappà in l'ortu. Vi l'aviamu detta ch'ellu ùn ci vulia micca à vende i terreni di babbone per fassi una promotion immobiliare...

L'ape. Smariscenu l'ape è l'equilibriu naturale hè minacciatu. Ma cumu a ghjente preferisce u nutella à u mele, tuttu u mondu si ne impippa.

L'avete capita, semu in gattiva pusizione. È si i Mayà anu ragiò, ùn ci ferma più ch'è un annu. U peggju hè pè i nostri poveri omi pulitichi ch'è preparanu l'elezzioni di 2014 (certi anu digià preparatu e false precure...). Tamanta dillusione per elli, i corci. Allora circate di prufittà bè, cumpratevi un kit di survie, i DVD di « Man vs Wild » di Bear Grylls è un bellu stock di sacchetti di canistrelli è di frappe pè tene u colpu. Bon curagiu. •



A Corsica hè diventata...

CORSICALAND

Vergogna à tè chì dai n'importa chì nome à a to terra !

Durante centinaia d'anni, i Corsi anu datu nomi corsi à i so lochi. I nomi di muntagne, di fiumi, di paesi, sò stati chjamati : u pentone, u poghju, a punta, l'aghja, a leccia, u castagnu, u pratu, u chjarasgiu, i stazzi...

Sti nomi avianu un sensu, è l'omi s'identificavanu à i so lochi. Avianu una memoria, una storia.

Oghje, a frenesia immobiliare è a splusione demogràfica hà fattu nasce paesi, residenze è lotissements novi, vicini di i lochi di cunsumazione,

senza identità, assettizzati. Stu paisaghju senza anima puderia esse quellu di a Seine et Marne.

In quant'à i nomi di lochi, ci pudemu dumandà s'è no semu sempre in Corsica. Eccu unepochi d'esempi di sti «nomi novi». Cumu averanu dà fà quelli chì anu da ingrandà, ghjucà, campà in sti lochi per custruisce un'identità corsa ?

Les domaines du Levant (Lucciana)
Les Jardins de la Mer (Bravone)
Résidence Les Couchants (Agosta)
L'orée du Bois (Aiacciu)
Résidence Eros (Borgu)
Résidence Appolonie (Bastia)
Résidence Brasilia (Aiacciu)
Vanina Park (Corti)

Le grand Large (Calvi)
Résidence Alsace-Lorraine (Corti)
Le Chêne Vert (Corti)
La Résidence Melody (Santa Maria Poghju)
Les Floralties (Biguglia)
Les Chênes (Borgu)
Les Hespérides (Viscuvatu)
Corsicana Forêt (Linguizzetta)
Corsicana Village (Linguizzetta)
Tropica Club (Linguizzetta)
Cocody village (Lumiu)
Les Cigales (Vintisari)
La Côte des Nacres
L'Orangerie (Coti Chjavari)
Les Hauts de la Résidence du Golfe (Purtichju)
La Colline des Fleurs (Purtichju)
Carré Saint-Jean (Borgu)
Le Clos de Longvilliers (Muriani)
Résidence Elisa (Lucciana)

Cumu ci ghjudicheranu e generazione future ? •



L'indignati Corsi

Aparolla à a moda st'inguernu hè sicuramente "indignatu". Dopu à u successu di libru di Stéphane Hessel "Indignez-vous", si chjamanu cusì tutti i cuntestatori in brama d'un mondu più ghjustu. Appena da per tuttu, si diszetanu e voce contr'à u liberalisimu sfrenatu induve i ricchi sò sempre più ricchi è i poveri di più in più numerosi, induve a finanza è e banche diregnu tuttu, induve conta solu u prufittu è micca l'omi. In Corsica invece, nisuna traccia d'indignati. Purtantu, u disimpiegu cresce, a precarietà hè in pienu sviluppu è i Restos du Coeur anu u ventu in poppa. Ma ùn v'inchietate, l'indignati ci sò. N'avemu trovu parechji nant'à Facebook. Ùn dumandanu micca un mondu più ghjustu, ma...

- Pour 1 concert de 50 CENT en corse
- Pour la création d'une école de catch en Corse
- IKEA en Corse (3 051 membri)
- Pour un ENORME tournoi de poker en Corse
- Pour la creation d un club libertin en Corse!!!!!!
- POUR UN ZARA EN CORSE



- Pour tous les fradé corse (sic)
- Pour que la Corse devienne un paradis fiscal
- Pour une Gay Pride Corse à Ajaccio !!!
- Pour que Christophe Maé fasse un concert en Corse
- Pour que notre île la Corse est le drapeaux avec le clendéstin (re-sic)
- Pour l'ouverture d'un sephora en Corse
- Pour que Indochine viennent faire un concert en Corse !! =D
- POUR TOUS CEUX QUI VEULENT UN GROS CONCERT DE RAP EN CORSE

- Pour que Justin Bieber vienne en Corse !! <3
- Pour l'ouverture d'un McDonald's en Corse ! (4 565 membri)
- Pour l'ouverture d'Auchan en Corse
- Pour l'ouverture d'un H&M à Ajaccio
- Pour qu'on capte bien la TNT au village
- Pour qu'un Corse participe à Secret Story
- Pour que le plus grand centre commercial du monde soit construit en Corse
- Pour que Plus belle la vie soit tourné à Ajaccio •

Site in casa
vostra !

www.vito-corse.com

VITO

VITO. Vous êtes chez vous.

U giru di Corsica di i ruminzulaghji



Pensate veramente chì noi altri Corsi semu attaccati à a natura ? Chì dapoi l'affare di e fanghe rosse, semu ecologisti pronti à difende u nostru ambiu è à priservà u nostru paisaghju ?

Ah iè ! Purtantu, à ogni rughjone a so «décharge sauvage». I ruminzulaghji sò una specialità nustrale. À chì lampa i so peuneus, à chì i so vechji stagnoni, frigò, palette, batterie di vittura...

Sta volta, ùn puderemu micca di ch'ellu hè a colpa di i pumataghji... Et qui on est ! •

Pieve



Alata



U Burgu



L'Arinella



Brandu



U sundagiu hè statu in linea nant'à www.apiazetta.com è site stati à vutà. Cum'è in a vera vita, a froda era autorizata. Christian Clavier è Jacques Séguéla ùn ci sò chi sò tramindui fora di cuncorsu.

Qualesu hè u peghju francese di u mondu ?



1 **Frédéric Thiriez : 17.71 %**
Hè diventatu u capimachja di i nemichi di a Corsica. Meriteghja bè a so prima piazza.

2 **BHL : 15.87 %**
L'impostura intellettuale di u milleniu hè segonda per via di a so chjama à u boycott di a Corsica.

3 **Christophe Barbier : 9.94 %**
L'imbasciadore di u razzisimu anti corsu in i media hè terzu.

4 **Louis XV : 9.29 %**
Surpresa ! U rè di Francia ghjunghje quartu, 200 anni dopu à Ponte Novu.

5 **Nicolas Sarkozy : 9.18 %**
U peghju presidente di tutti i tempi ghjunghje in quinta piazza, solu.

6 **Émile Zuccarelli : 8.86 %**
U sempiterenu opponente à tuttu ciò chì hè corsu face appena menu bè ch'è Sarko. Bella perfunziona !

7 **Thierry Roland : 4 %**
Hà inventatu l'antipatia.

8 **Zinédine Zidane : 3.35 %**
L'impostura futbolistica di u seculu.

9 **Franck Ribéry : 3.23 %**
Dettu "Bilal".

10 **Yannick Noah : 3.02 %**
Perchè hè u nùmeru 1 preferitu di i Francesi.

11 **Eric Zemmour : 2.81 %**
U suppartate voi ?



12 **Joey Starr : 2.7 %**
Quantunque, meriterebbe d'esse u numeru 1.

13 **Cauet : 2.28 %**
Duveria esse felicitatu per cuntinuvà à fà trafalà u livellu di a Francia.

Menu di 2 % :

- Ségolène Royal : Ci vulia po à mette una donna.
- Michel Sardou : l'ex-« ami de la Keurse » chì si ne andatu prestu.
- Johnny Halliday : purtantu meriteghja una piazza nant'à u podium pè l'inseme di a so opera.
- Jean-Pierre Pernaut : Sinònimu di "franchouillard".
- Dany Boon : Nunda ch'è per avè fattu u filmu preferitu di i Francesi.

Sò stati numinati :

Liliane Bettencourt, Philippe Gildas, Djamel Debbouze, Didier Deschamps, Thierry Henry, Michel Platini, PPDA, Florent Pagny, Guy Bedos, Jean-Pierre Chevènement, Jean-Luc Mélenchon, Laurent Gerra, Claude Guéant, Thomas Dutronc, Michel Drucker, Anne Roumanoff, Brice Hortefeux, Gérard Jugnot, Sébastien Chabal, Teddy Riner, Lorie, Alain Chabat, Pascal Obispo, Nadine Morano, David Douillet, Ingrid Bettencourt, Laurent Ruquier, Arthur, Eddy Mitchell, David Guetta, Christophe de Margerie (u pdg di Total), DSK. •



14

#11 - inguernu 2011
www.apiazzetta.com

A Piazzetta hè un giornale fattu da una squadra di benevulenti



A Piazzetta hè un giornale gràtisi chì esce tutti i trè mesi, publicatu grazie à u premiu Ghjovani in Mossa, l'Università di Corsica, a Corsica Ferries è a Fondazione di Corsica. I soldi raccolti da e pubblicità è da l'aiuti ci permettenu di pagà unicamente l'impressione di stu giurnalettu.

Hè editatu da : L'associu Lingua Scritta - 1, carrughju Canònicu Bartoli - 20200 Bastia
Hè statu stampatu in Corsica à 15 000 esemplarii.

Stamperia AZ Diffusion - Erbaghjolu - 20600 Bastia

Capiredattore : PPC - Redazione : PPC, AZ, MTG - Infograffista : PFC, FR - Macchetta : PFC, VB

Cuprendula : Flora Ambrosini
www.kalli-graphic.com

ISSN : 2101-9193 - apiazzetta.com

Per avè a vostra pubblicità in u giornale, cuntattateci : apiazzetta@free.fr

Ringraziemu à l'Unione Corsa d'Antibes per u so aiutu.



SUSTENITECI !

A Piazzetta sorte tutti i trè mesi.

Abbonamentu : 4 nùmeri, 15 € sustegnu, 30 €
Cummandà i vechji nùmeri : 20 €

nome

casata

indirizzu

Mandate u vostru sceccu à l'ordine di : Associu Lingua Scritta - 1, carrughju Canònicu Bartoli - 20200 Bastia



Ùn si deve più ghjucà un 5 di maghju ! Firmate a petizione : www.petitionfuriani.com



www.corsicaferries.com

sustene A PIAZZETTA

Centru Culturale Universitariu Prugrammazione culturale ghjennaghju - aprile 2012

Spaziu Culturale Natale Luciani
Campus Mariani - Corti



8 ore 30
di sera

Spetàculi - Teatru Cortinscena

Mercuri 25 ghjennaghju

Histoires de
funambules - Hippolyte
Romain
Le Mandarin de Venise

Mercuri 8 ferraghju

Murtoriu, ballade des
innocents - Marcu
Biancarelli
Théâtre Vela Versu

Mercuri 15 ferraghju

Vai à Fatti Leghje -
Philippe Guerrini et
Paul Desanti
Tutti in scena

Mercuri 14 marzu

© : une comédie d'après
Copi Théâtre NéNéka

Mercuri 21 marzu

Dans la solitude des
champs de Coton -
Bernard Marie Koltès
Théâtre Alibi

Mercuri 4 aprile

L'Étonnant Monsieur
Ducci
Les bonimenteurs

11 ore

Ghjovi 26 ghjennaghju

Don Chisciottu -
Antoni Arca
U Teatrinu

Ghjovi 8 marzu

Ofelia - Antoni Arca
U Teatrinu

8 ore 30
di sera

Cuncerti - Corsic'Artisti

Mercuri 18 ghjennaghju

Vitalba - A vitalba
canta

Mercuri 1u ferraghju

Paul Mancini - Quartet
: soirée saxophone

Mercuri 7 marzu

Adonis - Du classiqu'au
corse

Mardi 13 marzu

A Filetta - In armonia

Mercuri 28 marzu

Universicantu -
L'Università faci u so
cuncertu



Prezzi

10 €

5 € pè i studenti

pussibilità d'abbonamentu

Infurmazioni

Centru Culturale

Universitariu

Tel : 04 95 45 00 78

lminico@univ-corse.fr

www.univ-corse.fr

Università Inter-Età : cunferenze et stonde
Andate à vede u prugramma nant'à www.univ-corse.fr



Des entrées
gratuites
et des réductions
pour tes
sorties culturelles

BD

LIVRES

MUSÉES

CINEMA

THÉÂTRE

FESTIVALS

DANSE

CONCERTS



Plus d'infos
N° Vert 0 800 001 004

APPEL GRATUIT DEPUIS UN POSTE FIXE

www.passcultura.corse.fr

les pass
c'est trOp maC!

